



## საქართველოს გაერთიანებული სახელმწიფოს და სოფლის მეურნეობის მინისტრი

### ბრძანება N 2-428

07/06/2018

ქ. თბილისი

#### თელავის მუნიციპალიტეტის სოფ. კონდოლის მიმდებარე ტერიტორიაზე სასარგებლო წიაღისეულის მიწისქვეშა მტკნარი წყლის (სამეწარმეო მიზნით) მოპოვებაზე სკრინინგის გადაწყვეტილების შესახებ

სსიპ „წიაღის ეროვნული სააგენტოს“ მიერ გზმ-ს ჩატარების საჭიროების დადგენის მიზნით საქართველოს გარემოს დაცვისა და სოფლის მეურნეობის სამინისტროში წარმოდგენილია თელავის მუნიციპალიტეტში, სოფ. კონდოლის მიმდებარე ტერიტორიაზე მიწისქვეშა მტკნარი წყლის (სამეწარმეო მიზნით) მოპოვების სკრინინგის განცხადება.

დაგეგმილი საქმიანობა ითვალისწინებს მტკნარი წყლის მოპოვებას. წიაღისეულის მოპოვების ობიექტების რაოდენობა შეადგენს 7 ჭაბურღილს. ჭაბურღილები განლაგებულია კომპანია „თელავის ღვინის მარანის“ საკუთრებაში არსებულ სასოფლო-სამეურნეო დანიშნულების მიწის ნაკვეთზე.

წარმოდგენილი დოკუმენტაციის თანახმად, მოსაპოვებელი სასარგებლო წიაღისეულის მოცულობა შეადგენს 350 000 მ<sup>3</sup>-ს წელიწადში. თითოეული ჭაბურღილის სავარაუდო სიღრმე შეადგენს 150 მეტრს. არტეზიული ჭაბურღილების წყლების შესწავლამ აჩვენა, რომ ქიმიური, ბაქტერიოლოგიური და ფიზიკური შემადგენლობა აკმაყოფილებს სასმელი წყლების მოთხოვნებს. წყლის ტემპერატურა 13-14 °C-ია. მოპოვებული რესურსის გამოყენება შესაძლებელია სამეწარმეო დანიშნულებით.

უახლოესი ჭაბურღილი სოფ. კონდოლიდან დაშორებულია 3 კმ-ით, მდინარე ალაზანიდან 540 მ-ით, ხოლო კონდოლის ტბიდან 70 მ-ით. უახლოესი ტყით მჭიდროდ დაფარული ტერიტორია დაშორებულია 217 მ-ით.

მიწისქვეშა წყლებზე სამეწარმეო დანიშნულებით ლიცენზიის გაცემის მაქსიმალურ ვადად განსაზღვრულია 5 წელი.

საინჟინრო გეოლოგიური პირობების სირთულის მიხედვით ტერიტორია მიეკუთვნება I (მარტივ) კატეგორიას. ჭაბურღილების მიმდებარე ტერიტორია საჭიროებს დასუფთავებას. წიაღისეულის მოპოვების ობიექტების ტერიტორიის გეოდინამიკური სიტუაცია სტაბილურია, ხოლო წიაღისეულის მოპოვების ობიექტის ექსპლუატაციის პროცესში გართულებები მოსალოდნელი არ არის.

საქმიანობის განხორციელების შემთხვევაში ნარჩენების წარმოქმნა და ხმაურის გავრცელება მოსალოდნელი არ არის.

საქმიანობის განხორციელების პროცესში ატმოსფერული ჰაერის დაბინძურება, ავარიული სიტუაციები და კატასტროფები არ იქნება მოსალოდნელი. პროექტის

განხორციელების შემთხვევაში კუმულაციური ზემოქმედება მოსალოდნელი არ არის. საქმიანობა არ არის დაგეგმილი შავი ზღვის სანაპირო ზოლთან, სახელმწიფო ტყის ფონდსა და დაცულ ტერიტორიებზე. ვიზუალური შეფასებით საპროექტო ტერიტორიაზე არ ფიქსირდება კულტურული მემკვიდრეობის ძეგლი. დაგეგმილი საქმიანობის განხორციელების პროცესში ტრანსსასაზღვრო ზემოქმედება მოსალოდნელი არ არის.

ზემოაღნიშნული კრიტერიუმების გათვალისწინებით, „გარემოსდაცვითი შეფასების კოდექსი“-ს მე-7 მუხლის მე-3 და მე-6 ნაწილების და ასევე „საქართველოს მთავრობის სტრუქტურის, უფლებამოსილებისა და საქმიანობის წესის შესახებ საქართველოს კანონში ცვლილების შეტანის თაობაზე" (07.12.2017 №1620-რს) საქართველოს კანონის მე-2 მუხლის მე-3 პუნქტის საფუძველზე

### ვ ბ რ ძ ა ნ ე ბ:

1. მიღებულ იქნეს სკრინინგის გადაწყვეტილება, რომ სსიპ „წიაღის ეროვნული სააგენტოს“ მიერ წარმოდგენილი თელავის მუნიციპალიტეტში, სოფ. კონდოლის მიმდებარე ტერიტორიაზე მიწისქვეშა მტკნარი წყლის (სამეწარმეო მიზნით) მოპოვება არ დაექვემდებაროს გარემოზე ზემოქმედების შეფასებას;
2. ლიცენზიის მფლობელი ვალდებულია საქართველოს კანონის „გარემოსდაცვითი შეფასების კოდექსის“ მე-7 მუხლის მე-8 ნაწილის შესაბამისად უზრუნველყოს გარემოსდაცვითი ტექნიკური რეგლამენტებით დადგენილი მოთხოვნებისა და გარემოსდაცვითი ნორმების დაცვა;
3. ბრძანება დაუყოვნებლივ გაეგზავნოს სსიპ „წიაღის ეროვნულ სააგენტოს“;
4. ბრძანება ძალაში შევიდეს სსიპ „წიაღის ეროვნული სააგენტოს“ მიერ ამ ბრძანების გაცნობისთანავე;
5. ბრძანების ძალაში შესვლიდან 5 დღის ვადაში სკრინინგის გადაწყვეტილება განთავსდეს სამინისტროს ოფიციალურ ვებგვერდზე და თელავის მუნიციპალიტეტის აღმასრულებელი ორგანოს და წარმომადგენლობითი ორგანოს საინფორმაციო დაფაზე;
6. ბრძანება შეიძლება გასაჩივრდეს ზემდგომ ადმინისტრაციულ ორგანოში- საქართველოს მთავრობაში (თბილისი, ინგოროყვას ქუჩა N7) ან თბილისის საქალაქო სასამართლოს ადმინისტრაციულ საქმეთა კოლეგიაში (თბილისი, დ. აღმაშენებლის ხეივანი, მე-12 კმ. N6) მხარის მიერ მისი ოფიციალური წესით გაცნობის დღიდან ერთი თვის ვადაში.

ლევან დავითაშვილი

მინისტრი